



SLUŽBENE NOVINE

KANTONA SARAJEVO

Na osnovu člana 68. stav 3. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), ministar za boračka pitanja donosi

INSTRUKCIJU

O PROVOĐENJU ZAKONA O DOPUNSKIM PRAVIMA BORACA-BRANITELJA BOSNE I HERCEGOVINE U POSTUPKU OSTVARIVANJA PRAVA NA BESPLATNU VOŽNJU U JAVNOM GRADSKOM SAOBRAĆAJU NA PODRUČJU KANTONA SARAJEVO

Ovom Instrukcijom se utvrđuje način provođenja čl. 43. Zakona o dopunskim pravima boraca - branitelja Bosne i Hercegovine - Prečišćeni tekst ("Službene novine Kantona Sarajevo", broj 9/07-Prečišćeni tekst) (u daljnjem tekstu: Zakon).

1. U čl. 43. stav 1. Zakona o dopunskim pravima boraca-branitelja Bosne i Hercegovine, propisuje se da ratni vojni invalid i član porodice (ehida i porodice poginulog, umrlog, nestalog branioca, dobitnik ratnih priznanja i odlikovanja i članovi porodice poginulih, umrlih i nestalih dobitnika ratnog priznanja i odlikovanja imaju pravo na besplatnu vožnju u javnom gradskom saobraćaju na području Kantona, ako to pravo ne mogu ostvariti po drugom osnovu.
2. Pod pojmom člana porodice (ehida i porodice poginulog, umrlog, nestalog branioca podrazumijevaju se JEDAN član porodice (ehida i porodice poginulog, umrlog, nestalog branioca, tj. braćni drug ili dijete, odnosno jedan od roditelja (ehida, poginulog, umrlog, nestalog branioca).
3. Pod pojmom "drugi osnov" podrazumijeva se da podnosilac zahtjeva, za ostvarivanje prava na besplatnu vožnju u javnom gradskom saobraćaju na području Kantona, nije u radnom odnosu (bez obzira privatni ili državni sektor ili "radnik na zvanju"), da nije korisnik invalidske ili starosne penzije, da ne obavlja samostalnu djelatnost, te da ne koristi subvenciju prevoza po drugom osnovu (lažna, studentska, penzionerska i slično).
4. U skladu sa čl. 43. stav 2. pravo na besplatnu vožnju, pored ratnog vojnog invalida koji je korisnik prava na dodatak za njegu i pomoć od strane drugog lica, ostvarene po bilo kom osnovu, ima i lice koje mu pruža njegu i pomoć, pod uslovima iz tačke 3. ove Instrukcije.

Pomenuto lice u ovoj tački, koje pruža njegu i pomoć ratnom vojnom invalidu, može biti bilo koje lice, pa i član porodice domaćinstva ratnog vojnog invalida.
5. Pravo na besplatnu vožnju, u javnom gradskom saobraćaju na području Kantona, nema ratni vojni invalid I grupe koji je osvario pravo na putničko motorno vozilo putem Federalnog ministarstva za pitanja boraca i invalida odbrambeno-oslobodilačkog rata.
6. Osnovna dokumenta za odlučivanje po zahtjevu ratnog vojnog invalida i člana porodice (ehida i porodice poginulog, umrlog, nestalog branioca, dobitnika ratnog priznanja i odlikovanja i članova porodice poginulih, umrlih i nestalih dobitnika ratnog priznanja i odlikovanja za ostvarivanje prava na besplatnu vožnju u javnom gradskom saobraćaju na području Kantona su:
 - Dokaz od Službe za zapošljavanje da se podnosilac zahtjeva nalazi na evidenciji nezaposlenih lica;
 - Dokaz da podnosilac zahtjeva nije korisnik prava na penziju kod Federalnog zavoda za penzijsko i invalidsko osiguranje (Mirovinsko osiguranje);

- Dokaz da podnositelj zahtjeva nije evidentiran kao aktivni osiguranik kod Federalnog zavoda za penzijsko i invalidsko osiguranje (Mirovinsko osiguranje);
- Dokaz da podnositelj zahtjeva nije evidentiran kao poreski obveznik (Poreska uprava),
- Ovjerena fotokopija lišne karte;
- Ovjerena CIPS-ova prijava boravka;
- Izjavu da je podnositelj zahtjeva prijaviti svaku promjenu koja utiče na ostvarivanje prava na besplatnu vožnju u javnom gradskom saobraćaju, te ukoliko se utvrdi suprotno vratiti uplaćena sredstva.

Dokaze iz alineje 1 do 4 ove tačke, prvostepeni organ pribavlja po službenoj dužnosti.

7. Općinska služba obavezna je izvršiti reviziju dosadašnjih korisnika prava na besplatnu vožnju u skladu sa članom 43. Zakona na osnovu priložene dokumentacije navedene u prethodnoj tački.

8. Po izvršenju revizije dosadašnjih korisnika prava na besplatnu vožnju u javnom gradskom saobraćaju općinska služba je donijeti rješenje o priznavanju prava na besplatnu vožnju u roku od šest mjeseci. U rješenju navesti obavezu prijave promjene koja bi uticala na ostvarivanje ovog prava. Kako korisnici ovog prava ne bi bili oštećeni sa nastavkom korištenja ovog prava, u prvoj fazi sačiniti službeno zabilješku ukoliko korisnik i dalje ispunjava tražene uslove, a na dosadašnjoj izdatoj iskaznici obilježiti oznaku "R", pečat organa i potpis ovlaštene osobe kojim je se korisnik i dalje koristiti.

Ukoliko korisnik ne ispunjava tražene uslove, općinska služba je donijeti rješenje o odbijanju zahtjeva.

U drugostepenom postupku po žalbi rješenja Ministarstvo za boračka pitanja Kantona (u daljnjem tekstu: Ministarstvo).

9. Općinske službe su dužne izvršiti reviziju korisnika ovog prava krajem svake tekuće godine za slijedeću godinu, bez obaveze donošenja novog rješenja, izuzev kada korisnik tog prava ne ispunjava uslove za nastavak korištenja istog. Potrebno je samo konstatovati službenom zabilješkom ispunjavanje traženih uslova.

10. Općinske službe, koje su uvezane sa bazom podataka ovog ministarstva, su dužne unijeti u bazu podataka korisnike ovog prava, dok je ostale općinske službe do konačnog uvezivanja sa bazom podataka, dostavljati Ministarstvu jedan primjerak rješenja za korisnika ovog prava.

11. Spisak svih korisnika ovog prava općinske službe imaju obavezu dostaviti javnom preduzeću za gradski prijevoz na osnovu kojeg se izdaju odgovarajući kuponi.

12. Izgled kupona i način izdavanja istih pobliže se reguliše u ugovorom između Ministarstva i javnog preduzeća za gradski prijevoz, kao i način i formu fakturisanja usluga.

13. Sredstva za realizaciju ovog prava, obezbijediće se u Budžetu Kantona, razdjel Ministarstvo, a u zavisnosti od broja korisnika i odobrenih raspoloživih sredstava za ove namjene.

14. Ova Instrukcija stupa na snagu danom donošenja, a objavit će se u "Službenim novinama Kantona Sarajevo".